


۲۶ خُمُوز ۱۹۱۷

صافی : ۳

برنجی سَه



علم ، صنعت و اخلاق دائر هفتگی مجموعه

بشقه برشی دوشونمیان شرکتلر کی دکل، صنعت و تجارت یاریم ایدم جک کرچکچی بانقهرک فعدانی .

سادساً : یوللرک فعدانی مملکتده صنعت و تجارتی اولدیریور . مملکت خلقنی سفیل بر اقیور . بونلر یالبدقجه انا مملکتده اهالی بی حسابیه آلمقیزین اجنیلرک تجارت ایدم جکلری شهسزدر . فقط حکومتک تجارت و صنعتکاری حمایه ایدرکن مملکت اطرافنه کومروکلردن عبارت بر زنجیر چکمسینه طرفدار دکلدر . ادخالات و اخراجاتک موازنه سی تدقیق ایدرکن ۵۷ نومرو عبرت ۵۰ حزران ۱۲۸۸ ادخالات و اخراجاتک موازنه سی قابل اولور و خارجدن اشیا کلزسه مملکتده ثروت چوغالور اعتقادنده بولنلمسون [قناعتی ایله (اصول مشورت حقنده مکتوبلر) ده ۱۲۸۵ سنه سنده مدافعه ایتدیکی نقطه بی تا کید ایتکده در .

نامق کال ادخالاتک کثرتنده مضرت کورمکی بر (عقیده سقیمه) تمیر ایدیور : دلیلی ایسه شودر :

« دنیاده هرشی که انسانک بر احتیاج وتلذذنی ایفا ایدر ملدر . بر یرده زیاده مال بولمق ثروتجه فصل مضراوله بیلور . مال کلور اما بدلنده آلتون چیقور کی سوزلرده اعتبار بیورلمسون . دنیاده آلتون مال آلمقندن بشقه نهیه یارار . » نامق کلاک اقتصادی و مالی واداری مقالاتندن ماعدا وجوده کتیردیکی ادبیات اقتصادیدهده تعقیب ایتدیکی غایه ، مملکتک اقتصاداً بولندینی وضعیه قارشو تأسفلر وتلفلر صاچقدرد . اقتصاداً دوشدیکمز مرتبه بی نامق کالدن دهه مکمل بر صورتده مشاهده ایدوب تصویره چالیشان بودور ایچنده دخی شمدی بیله بشقه بر محرر بر مقتصد یتشامشدر . و تجارتز اجنیلر اللهده صنعتمز هیچ حکمنده ، جناب حق احسان ایدرده طور اقل مزدن برار محصول آلابیلرسه که آنکه تعیش ایدوب کیدیورز ، طرزنده کی فریادی (عبرت نومرو ۶۱ سنه ۱۲۸۸) بوکون بیله بزی درین ومثالنه دوشوندیرم جک بر ناله اتباهدر .

۹ تموز ، ۱۹۱۷

غالب ظلمدریه

تَرْبِیَّه مَسْئَلَه سِنِی

ملت تربیه سی ، دولت تربیه سی

اجتماعی بوتون اصلاحانده ، تجدیدلرده اک مهم واسطه شهسز تربیه در ؛ چونکه بر جمعیت داخاندنه کی مؤسسهرک ، یعنی لسانک و دینی ، اخلاقی ، بدیی ، اخ فکریلرک ، دویغولرک

انتقالی تربیه ایله اولور . هرچوجوق بر جمعیت ایچنده دوعدیغندن او جمعیتک لسانی ، دینی اوکره نیر ؛ ایملک ، کوزلک حقنده کی دویغولرخی آلیر ؛ فردی شعوری اوزرنده منسوب اولدینی جمعیتک وجدانی تشکل ایدر . هیچ برچوجوق دوعارکن فطری بر لسان ، بر دین ، بر اخلاق ، بر عادت الخ کتیرمز . چوجوغلک لسانی ، دینی ، عادات و اخلاقی ، بدیی دویغولری هب محیطک اثرلری در . هر فرد اولنری جمعیتدن عیناً آلیر . بونلرده وراثتک هیچ تأثیری یوقدر . دیمک اولورکه هرچوجوغلک آلدینی تربیه ، منسوب اولدینی جمعیتک تربیه سیدر ، و کوچوک ، بویوک ، وحنی ویا متمدن هر جمعیتک بر تربیه سی اولدیفنه کوره تربیه نک ای ویا فنا اولسی نسبی در ؛ بر جمعیت ایچون ای و میاید اولان بر تربیه طرز دیکر بر جمعیت ایچون مضر اوله بیلیر . بر عسیرت جمعیتی ایچنده دوعمش اولان برچوجوغلک قان دعواسنه حریص اوله رق یتشمه سی او جمعیت ایچون غایت طبیعی بر حادنده در . بوندن دولانی ده هر جمعیتک ، دهه دوعریعی هر جمعیت انمودجک کندیسنه مخصوص بر تربیه سی اولمق لازم کایر . بوتربیه چوجوغلری ، منسوب اولدقلری جمعیت حاضر لار ، انطباق ایتدیریر ؛ چوجوقده بو جمعیتک استلزام ایتدیکی بدنی ، ذهنی و اخلاقی قابلیتلری انکشاف ایتدیریر . بناء علیه هر تربیه ، چوجوغلری منسوب اولدقلری جمعیت ای حاضر لیوب حاضر لامادیفنه ، ای انطباق ایتدیروب ایتدیرمدیکنه کوره ای ویا قنا اولور . چوجوغلک ، محیطنه انطباقی ای اولویورسه تربیه موفق اولویور دیمکدر . اولکی مقاله مزدهده سوبله مش اولدیفمز وجهله تربیه اساس اعتباریله جمعیتک بر معکسی ، بر طرز تجلیسی در . هر مرئی ، هر معلم ، آنا و بابالر او محیطدن یتشمش اولدقلری ایچون تربیه ایله مکلف اولدقلری چوجوقله بالذات آتش اولدقلری فکریلری ، دویغولری تلقین ایدرلر . بوتلقینک جمعیتک طرز تلقین ، جمعیتک فکر ، و دویغولرینک مجموعی اولسی ضروری در . شوقدرکه بالخاصه بزده اولدینی کچی - مریلیر (مکتب اولسون عائله اولسون) دائماً چوجوغلک محیطندن ، چوجوغلک حاضر لانیسی ایجاب ایدن محیطدن یتشمش اولویورلر ؛ بالعکس غایت مختلف وحنی عینی جمعیت ایچنده بعضاً بر برینه ضد محیطلره ، جریانلره منسوب اولویورلر و چوجوغلره ، اوللرک اصل منسوب اولدقلری محیطک مؤسسهرلری تلقین ایتدیرلر ، یعنی چوجوغه ملی بر تربیه ویرمیورلر . مملکت مزده کی وخیم تربیه بحرانی بوندن دویغور . چونکه بزده مدرسه تربیه سی ، مکتب تربیه سی ، عائله تربیه سی بر بوندن آبرلدینی کچی ، مکتبلر ایچنده محله مکتبلری ، اوقاف مکتبلری ، معارف مکتبلری و صوکره آلمان ، فرانسر الخ تربیه سی ویرن بر طاسم مکتبلر یکدیگرینه بوسبوتون ضد تربیه لری ویرمیور . عائله ایله محیط آراسندهده اکثریا میابنت

بولونیور. بوقدر مختلف جریانلره تابع اولان کنج نسل بر او طرفه بر بوطرفه چکیلیور، مملکتک عمومی تربیه سنده بروحدت اولدینی کی بزم اصل ملی تربیه مرکز هانکیسی اولدینی ده بردرلو تعیین اولنه میور.

بویحرانک اوکی آملق و ملی تربیه نکه نهدن عبارت اولدینی تعیین ایتک اوزره تشکیل ایدیلن « ملی تربیه انجمنی » بواغیر واهیتی و وظیفه بی یوکنمش و بویخصوصده کی تلقیلری تألیف و توحیده باشلامشدر.

هر جمعیتک، هر جمعیت انموذجک کنديسنه مخصوص بر تربیه سی اولق لازمدر، دیمشده. بزم جمعیت هنوزانتقال دوره سنده اولقله برابر، « ملت » دورینه یا قلاشمقدهدر. ملی دولت ده بوکون عصری انموذج عدا ایدلیکنه کوره چوقولرمزه ویریه جک تربیه ملی و بونقطة نظر دن عصری اوله جقدر. اجتماعیات ده ملت؛ عینی لسانی قونوشان، عینی حرثه یعنی عینی دویغولره، عینی عننه و اعتقاده مالک اولان انسانلرک مجموعیدر. مملکتیمز داخلنده کی تورکار بر ملت تشکیل ایدر. بناء علیه چوقولرمزه مملکتیمز داخلنده قونوشیلان تورکجه بی، یاشانیلان دینی فکر و اعتقادلری، اخلاقی، بدیی دویغولری تلقین ایتک اولنره ملی بر تربیه ویرمک دیمکدر.

فقط هر چوقوق، ملت جمعیتدن ماعدا دهها خصوصی و کوچوک زمهرله ده تابعدر. ملته انطباق ایدن چوقوق عینی زمانده منسوب اولدینی مملک زمهرله سته انطباق مجبوریتدهدر. یکرمنجی عصرده هازیا ده برایش بولومی، تقسیم اعمال عصری اولدینی ایچون هر مملک آیری آیری زمهرله تشکیل ایدیور. هر فرد ملتشدن سوکره بوزمهرلردن برینه باغلیدر و اوزمهرمک استلزام ایتدیکی فکری و اخلاقی قابلیتله محتساجدر. نهایت جمعیتک حجره سی حکمنده اولان کوچوک عائله زمهرله ده واردر. بناء علیه تربیه چوقولره ترجیح صیراسیله دولت، ملت، مملک، عائله مفکوره لرینی و بوجمیتلردن هر برینه قارشی وظیفه لرینک نهدن عبارت اولدینی تلقین ایتلیدر.

چوقولرمز بوندن ماعدا سیاسی بر جمعیت اولان (دولت) ه، عثمانی دولته منسوبدر. عثمانی دولتی قوران، تورکار اولقله برابر، بونده تورکاردن ماعدا قوملرده داخلدر. بوندن باشقه عثمانی تورکارینک خارجده دیگر تورکارده واردر. ملی تربیه، تورکارک حسی کی عثمانیلق حسی تلقیندهده امال کوسترمه ملیدر. اساساً بزده تورکارک مفهومی عثمانیلق مفهومی محتویدر. بونلر بر برینه ضد دکل، یکدیگرینک متممی در. چونکه بوکون بوتون تورکارک مشترک

حرثی، عثمانی رکنتک حرثدن عبارتدر. شوکوچوک خلاصه دن کورولیورکه تربیه آنجق ملی اوله بیلیر و غایه سی ده ملی حرثک تلقینی در. وطن دیدیکمز شینک روحی ملت و بدنی دولت اولدینی ایچون، ملت تربیه سی ایله دولت تربیه سی آراسنده کی فرق صرف شکلی در. سیاسی بروطن تربیه سی اولان دولت تربیه سی حرثی بروطن تربیه سی اولان ملی تربیه نکه بر جزئیدر. ملی تربیه آنجق بوسورتله تمام اوله بیلیر. (تورک چوقوغی) تورکارک قدر عثمانیلق ده سومه لیدر. چونکه تورکارک، مفکوره نکه رشائیتی ایسه، عثمانیلق ده شائینک برمفکوره سیدر.

نجم الدین صادم

فکر خجیاتی

اختصاصی لازم، عمومی معلومات می ؟

بو سوآله ویریه جک جواب چوق مهمدر؛ چونکه کنجیلر مرکز علمی حیاتلری، مسلک لری، تدقیق و تبحرینه ویره جکاری استقامتی تعیین ایدر. بونلردن برنجی ویا ایکنجی نکه ترجیحی مملکتک فکری حیاتی باشند آشاخی ده کشیدر. فقط بوکا جواب ویرمه دن اول اوافق بر مقدمه یایام؛ بو؛ مسئله بی دهها زیاده توضیح ایدر.

برجوق فردلرک بر آرایه طولبلاتوب بر جمعیت تشکیل ایتلری ایچون او فردلری بر برینه باغلیه جی، دائماً بر آرا ده یاشامنه اجبار ایدر. جک رابطه ل لازمدر؛ چونکه انسانلر بر آرایه کلکدن سوکره آرا لنده دوامل و قوتل رابطه لر بولونما زسه برجوق سائقلرک تأثیریه آیریلیر، داغیلرلر؛ انسان جمعیتلری ده بر طاقم حیوان سورولری کبی موقت اولور. دنک اولوبورکه جمعیتلرک وجودینه سبب اولان بر رابطه واردر، بو رابطه ده « تساند » در، یعنی فردلرک یکدیگرینه قارشی مختلف خصوصلرده متقابل احتیاجلری، معاشرتلی خلاصه یاشامق ایچون بر برلرینه استنادلری در. ابتدائی جمعیتلر ده کی تساند، او جمعیت تشکیل ایدن فردلر آراسنده کی مشترک وجداندن دوغار. برجوق انموذجلری، ارضک برجوق برلرند الآن کورولن بو جمعیتلر ده انسانلرک فردی هیچ بر قیمتی یوقدر دهها دوغروسی فردی شخصیت یوقدر. عینی مشترک حیات، جمعیتدن دوغان عینی معشری وجدان بوتون فردلری، خصوصیتلری بلع ایتشدن. بوتون فردلرک روحنده عینی وجدان، عینی حسیات یاشار. ابتدائی جمعیتلرک معشری وجدانی هب دین صورتده نیلی ایتدیکی ایچون بوتون فکرلر، دویغولر، بوتون مؤسسه لر دینی در. فرد متادیا دینی بر حیات یاشار و بو دینی حیات تابع اولقله، عینی زمانده اخلاق، حقوق، بدیی حیات ده تابع دیمکدر؛ چونکه دین بونلرک هپسینی حاویدر.

بو مشترک وجدان آلتنده فردلری فکراً، حساً بر برندن آیرمق قابل دکلدر. اجتماعی حیاتک بوتون صفحه لرنده هپسی عینی صورتله حرکت ایدر و احتیاجلری ده کندی لری تدارک ایدرلر. بر فرد هم باقی طوتار، هم آو آولار، اونده کییه جکنی، ایچیه جکنی و الحاصل هر شیشی کنديسی احضار ایدر. بناء علیه هپج کیسه نکه کیسه یه احتیاجی یوقدر. بوفردلری بر برینه باغلیان یکانه رابطه، او مشترک وجدان زائل اولدینی وقت جمعیت ده انحلاله باشلار؛ اونک ایچون بو وجدانی تقویه ایدر جک، زمان زمان جانلاندیره جق آیتلر، عبادت لره، غلیانی اجتماعلر یاپارلر. فقط نفوسک فکثری، جمعیتک توسی الخ کبی سبیلر تحتنده اجتماعی بنیه یاواش یاواش ده کیثوب، جمعیتلر، اجتماعی